

Na osnovu čl. 4.2, 4.7. i 7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 16. Pravilnika o licencama (“Službeni glasnik BiH”, broj 87/12), Državna regulatorna komisija za električnu energiju, na sjednici održanoj **. ***** 2015. godine, donijela je

ODLUKU

O IZDAVANJU LICENCE ZA DJELATNOST MEĐUNARODNE TRGOVINE ELEKTRIČNOM ENERGIJOM

1. Izdaje se licenca Društvu “Interenergo” d.o.o. Sarajevo za obavljanje djelatnosti međunarodne trgovine električnom energijom.
2. Licenca iz tačke 1. ove odluke izdaje se za period od 1. januara 2016. godine do 31. decembra 2020. godine.
3. Sastavni dio Odluke je licenca za obavljanje djelatnosti međunarodne trgovine električnom energijom koja sadrži Uvjete za korištenje licence.
4. Ova odluka stupa na snagu danom donošenja i bit će objavljena u “Službenom glasniku BiH” i službenim glasilima entiteta.

Obrazloženje

(po okončanju postupka)

Broj: 05-28-12-190-*/15

, *** 2015. godine

Tuzla

Predsjedavajući Komisije

Milorad Tuševljak



L I C E N S A
ZA OBAVLJANJE DJELATNOSTI
MEĐUNARODNE TRGOVINE ELEKTRIČNOM ENERGIJOM

Л И Ц Е Н Ц А
ЗА ОБАВЉАЊЕ ДЈЕЛАТНОСТИ
МЕЂУНАРОДНЕ ТРГОВИНЕ ЕЛЕКТРИЧНОМ ЕНЕРГИЈОМ

Registarski broj licence Регистарски број лиценце	05-28-12-190-**/15
Datum izdavanja licence Датум издавања лиценце	**.***.2015.
Naziv vlasnika licence Назив власника лиценце	“Interenergo” d.o.o. Sarajevo “Интеренерго” д.о.о. Сарајево
Adresa vlasnika licence Адреса власника лиценце	Fra Anđela Zvizdovića 1, Sarajevo Фра Анђела Звиздовића 1, Сарајево
Porezni broj vlasnika licence Порезни број власника лиценце	4201242530004
Period važenja licence Период важења лиценце	1.1.2016. - 31.12.2020.

Predsjedavajući Komisije/Predsjedatelj Komisije/Предсједавајући Комисије

Nikola Pejić/Никола Пејић

Članovi Komisije/Чланови Комисије

Milorad Tuševljak/Милорад Тушевљак

Mirsad Salkić/Мирсад Салкић



Nacrt

UVJETI ZA KORIŠTENJE LICENCE ZA OBAVLJANJE DJELATNOSTI MEĐUNARODNE TRGOVINE ELEKTRIČNOM ENERGIJOM

Registracijski broj licence: 05-28-12-190-*/15

Naziv vlasnika licence: "Interenergo" d.o.o. Sarajevo

1. Opće odredbe
 - 1.1. Ova licence se izdaje u skladu sa Pravilnikom o licencama ("Službeni glasnik BiH", broj 87/12), a na osnovu zahtjeva broj: 05-28-12-190-1/15 od 2. juna 2015. godine podnijetog od "Interenergo" d.o.o. Sarajevo.
 - 1.2. Vlasnik licence može posjedovati samo jednu licencu izdatu od Državne regulatorne komisije za električnu energiju (DERK).
 - 1.3. Licence se izdaje za period od 1. januara 2016. do 31. decembra 2020. godine.
2. Obavljanje licencirane aktivnosti
 - 2.1. Vlasnik licence je ovlašten obavljati licenciranu djelatnost poštujući odredbe Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), kao i aktivnosti definirane u licenci, ukoliko posjeduje i odgovarajuću licencu za trgovinu izdatu od relevantne entitetske regulatorne komisije.
 - 2.2. Obaveze definirane u licenci ne umanjuju obaveze vlasnika licence definirane zakonom.
 - 2.3. Licencirana djelatnost iz tačke 2.1. podrazumijeva kupovinu, prodaju ili isporuku električne energije gdje je jedno od mjesta kupovine, prodaje ili isporuke van Bosne i Hercegovine.
3. Obaveze i prava vlasnika licence
 - 3.1. Vlasnik licence je dužan u toku korištenja licence permanentno zadovoljavati opće i specifične kriterije utvrđene Pravilnikom o licencama na osnovu kojih mu je licence izdata i podnositi DERK-u o tome odgovarajuće dokaze.
 - 3.2. Vlasnik licence je dužan redovno ili po zahtjevu DERK-a, dostavljati DERK-u finansijske i ostale izvještaje u formi i obimu definiranom ovom licencom ili zahtjevom DERK-a.
 - 3.3. Vlasnik licence je dužan pripremati finansijske izvještaje koji će biti dostupni javnosti za licenciranu djelatnost međunarodne trgovine u skladu sa računovodstvenim standardima koji važe u Bosni i Hercegovini i u skladu sa odredbama koje propiše DERK.
 - 3.4. Vlasnik licence je dužan obezbijediti računovodstveno razdvajanje licencirane djelatnosti od drugih djelatnosti.

- 3.5. Vlasnik licence je dužan uvesti sistem osiguranja kvaliteta i DERK-u dostavi certifikat nezavisne kuće za akreditiranje.
- 3.6. Vlasnik licence je dužan poštivati propise iz oblasti međunarodne trgovine, pratiti promjene domaćih i međunarodnih tehničkih zahtjeva vezanih za trgovinu električnom energijom i usklađivati poslovanje sa tim promjenama.
- 3.7. Vlasnik licence je dužan poštivati propise vezane za kvalitet usluga koje propiše DERK.
- 3.8. Vlasnik licence je dužan poštivati Tržišna pravila i Mrežni kodeks.
- 3.9. Vlasniku licence nije dozvoljeno provoditi bilo kakve antikonkurencijske aktivnosti, zloupotrebljava tržišnu moć ili vrši manipulacije tržištem električne energije.
- 3.10. Vlasnik licence dužan se prema učesnicima na tržištu odnositi na fer i nediskriminirajući način.
- 3.11. Vlasnik licence ima pravo prisustvovati sastancima tehničkih komisija koje daju komentare tokom pripreme i izmjena Mrežnog kodeksa. Vlasnik licence ima pravo biti biran u tehničku komisiju.
- 3.12. Vlasnik licence ima pravo prisustvovati sastancima tehničkih komisija koje daju komentare tokom pripreme i izmjena Tržišnih pravila. Vlasnik licence ima pravo biti biran u tehničku komisiju.
- 3.13. Vlasnik licence se dužan pridržavati odluka Nezavisnog operatora sistema u Bosni i Hercegovini (NOS BiH) kada se, u skladu sa zakonom i licencom NOS-a BiH, u hitnim okolnostima koje zahtijevaju brzo djelovanje, mijenja Mrežni kodeks ili Tržišna pravila.
- 3.14. Vlasnik licence je dužan poštivati mjere koje propiše DERK ili Ministarstvo vanjske trgovine i ekonomskih odnosa (Ministarstvo) u slučaju prirodne katastrofe ili druge situacije sa posljedicama po opću sigurnost.
- 3.15. Vlasnik licence je dužan poštivati važeće tarife koje su primjenjive na njegove transakcije.
- 3.16. Vlasnik licence je dužan poštivati sve važeće tehničke standarde i komercijalne kodekse.
- 3.17. Vlasnik licence je dužan na zahtjev DERK-a, NOS-a BiH, Elektroprijenosa Bosne i Hercegovine i Ministarstva dostaviti tražene podatke, dokumente i informacije potrebne za provođenje zakona. DERK, NOS BiH, Elektroprijenos BiH i Ministarstvo čuvat će povjerljivost svih traženih podataka i informacija koje se smatraju trgovačkom tajnom ili povjerljivim, osim u mjeri u kojoj zakon predviđa da se takvi podaci objave.
- 3.18. Vlasnik licence je dužan za obavljanje svojih transakcija obezbijediti odgovarajuće garancije.
- 3.19. Vlasnik licence je dužan poštivati sve odredbe važećih međunarodnih sporazuma i ugovora čiji je potpisnik Bosna i Hercegovina, a koji se odnose na međunarodnu trgovinu, uključujući, ali ne ograničavajući se na, važeća pravila koja se odnose na prekograničnu trgovinu električnom energijom.
- 3.20. Vlasnik licence je dužan u svom poslovanju na teritoriji drugih zemalja poštivati propise istih.

- 3.21. Vlasnik licence je dužan poštivati odgovarajuću licencu za trgovinu izdatu od relevantne entitetske komisije i izvještavati DERK o svim promjenama iste.
4. Nadgledanje obavljanja licencirane djelatnosti
 - 4.1. DERK nadgleda obavljanje licencirane djelatnosti.
 - 4.2. Tokom perioda važenja licence, vlasnik licence je dužan dostavljati DERK-u izvještaje navedene u ovim uvjetima, na način predviđen tačkom 3.2. tih uvjeta.
 - 4.3. DERK nadgleda sve aspekte usklađenosti djelovanja vlasnika licence sa uvjetima licence, kao i svim odredbama relevantnih zakona i propisa DERK-a.
 - 4.4. DERK može pokrenuti hitni postupak u cilju reagiranja na osnovanu sumnju o povrjedi obaveza iz licence, na vlastitu inicijativu ili kao odgovor na zahtjev bilo kojeg lica.
 - 4.5. DERK vrši najavljene i nenajavljene inspekcije objekata i dokumenata vezanih za licencirane aktivnosti. DERK ima pravo pristupa objektima vlasnika licence, ili objektima kojima upravlja vlasnik licence, prostorijama vlasnika licence, njegovoj opremi, dokumentima, poslovnim knjigama i arhivi kako bi izvršio pregled licencirane aktivnosti. Vlasnik licence DERK-u pruža svaki vid pomoći zatražen u toku pregleda.
 - 4.6. Vlasnik licence obavještava DERK o svakoj povrjedi uvjeta za korištenje licence u roku od 7 dana od saznanja vlasnika licence da je došlo do povrjede.
5. Dostavljanje podataka i izvještaja
 - 5.1. Vlasnik licence dostavlja izvještaje DERK-u na način kako je definirano u ovom poglavlju, kao i izvještaje po posebnom zahtjevu DERK-a, na način i u formi koju propiše DERK.
 - 5.2. U roku od 90 dana po isteku fiskalne godine, vlasnik licence će dostaviti svoj godišnji izvještaj o poslovanju za tu fiskalnu godinu. Revidirani finansijski izvještaj će se dostaviti u roku od 180 dana po isteku fiskalne godine. Vlasnik licence u istim rokovima dostavlja i finansijski izvještaj o aktivnostima iz licencirane djelatnosti.
 - 5.3. Vlasnik licence priprema i dostavlja DERK-u mjesečni izvještaj o realizaciji ugovora, kao i plan, odnosno procjenu, obima aktivnosti za naredni mjesec koji se odnose na licenciranu djelatnost.
6. Obnova, izmjena, suspenzija ili ukidanje licence
 - 6.1. Vlasnik licence je dužan podnijeti zahtjev za obnovu licence najkasnije 120 dana prije isteka licence.
 - 6.2. Tokom perioda važenja licence, na zahtjev vlasnika licence ili na inicijativu DERK-a, moguće je otvoriti proces redefiniranja licence kako bi se uskladili uvjeti licence zbog značajnijih promjena u zakonu ili činjeničnim okolnostima.
 - 6.3. Suspenzija ili ukidanje licence se obavlja pod uvjetima, u slučajevima i na način određen Pravilnikom o licencama.
7. Regulatorna naknada
 - 7.1. Vlasnik licence je dužan u periodu važenja licence plaćati regulatornu naknadu u skladu sa odlukama DERK-a.

8. Sankcije

- 8.1. Ukoliko se vlasnik licence ne pridržava uvjeta iz licence ili zakona, primijenit će se kaznene odredbe predviđene zakonom.
- 8.2. DERK može vlasniku licence dostaviti administrativno obavještenje o povrjedi i pozvati ga na administrativno poravnanje zbog povrjede licence, prije nego što se primijene kaznene odredbe.
- 8.3. Prije primjene mjere iz tačke 8.2, u slučajevima kada to okolnosti dozvoljavaju, DERK će pismeno opomenuti vlasnika licence i odrediti rokove za otklanjanje nedostataka.
- 8.4. DERK prilikom sankcioniranja može koristiti mogućnost suspenzije ili ukidanja licence u skladu sa Pravilnikom o licencama.

9. Rješavanje sporova

- 9.1. Rješavanje sporova pokrenutih od trećih lica vezanih za provođenje uvjeta licence se vrši u skladu sa Poslovníkom o radu DERK-a ("Službeni glasnik BiH" broj 2/05) i Pravilnikom o javnim raspravama ("Službeni glasnik BiH" broj 38/05) ili na drugi odgovarajući način koji je u skladu sa pravilima DERK-a.
- 9.2. Ako je nezadovoljan odlukom DERK-a, vlasnik licence može podnijeti tužbu na odluku DERK-a Sudu Bosne i Hercegovine.
- 9.3. U slučaju podnošenja tužbe sudu, odluke DERK-a ostaju na snazi do okončanja postupka.

10. Odredbe o obavještanju

- 10.1. Adresa vlasnika licence koja se koristi u svrhu dostavljanja obavještenja je:
"Interenergo" d.o.o. Sarajevo
Fra Anđela Zvizdovića 1, Sarajevo
- 10.2. Vlasnik licence može promijeniti svoju adresu koja se koristi u svrhu dostavljanja obavještenja, ali o tome mora unaprijed obavijestiti DERK. Za izmjenu adrese koja se koristi u svrhu dostavljanja obavještenja nije potrebno vršiti izmjenu licence.